



Exempel da calculaziun da las notas dals examens d'admissiun en la 3. classe dal gimnasi ed en la 1. classe da la SMC/SMI/SMS (uschenumnà examen unifitgà)

Ils roms d'examen èn l'emprima lingua tschernida (tudestg, rumantsch u talian), anglais, aritmetica ed algebra (A&A) sco er geometria. Mintga rom d'examen dat ina nota d'examen. Dals roms d'examen emprima lingua ed anglais resulta ensemen la nota dal rom d'examen linguas, dals roms d'examen A&A e geometria resulta ensemen la nota dal rom d'examen matematica. La nota d'admissiun quinta medemamain sco nota dal rom d'examen (cf. art. 19a al. 1–3 da l'Ordinaziun davart la procedura d'admissiun a las scolas medias [Ordinaziun d'admissiun a las scolas medias; DG 425.060]).

1. Calculaziun da la nota dal rom d'examen linguas

La nota dal rom d'examen linguas sa cumpona da las duas notas d'examen, arrundadas sin quartas notas, en l'emprima lingua ed en anglais. Ella correspunda a la media da las notas d'examen, arrundada sin duas cifras suenter il punct.

	Emprima lingua inditgada [L1]	Anglais [L2]	Nota dal rom d'examen linguas [REL]
Basa per la nota	Examen en scrit	Examen en scrit	Calculaziun: $REL = (L1 + L2) / 2$
Arrundament	Quarta nota	Quarta nota	Arrundada sin duas cifras suenter il punct

Exempels

	Emprima lingua inditgada [L1]	Anglais [L2]	Nota dal rom d'examen linguas [REL]	Puncts minus
Nota	4.75	5	4.88	0
Nota	3.25	5.5	4.38	0
Nota	3	4.5	3.75	0.25

2. Calculaziun da la nota dal rom d'examen matematica

La nota dal rom d'examen matematica sa cumpona da las duas notas d'examen en A&A e geometria, arrundadas sin quartas notas. Ella correspunda a la media da las notas d'examen, arrundada sin duas cifras suenter il punct.

	Aritmetica ed algebra [M1]	Geometria [M2]	Nota dal rom d'examen matematica [REM]
Basa per la nota	Examen en scrit	Examen en scrit	Calculaziun: $REM = (M1 + M2) / 2$
Arrundament	Quarta nota	Quarta nota	Arrundada sin duas cifras suenter il punct

Exempels

	Aritmetica ed algebra [M1]	Geometria [M2]	Nota dal rom d'examen matematica [REM]	Puncts minus
Nota	3.75	5	4.38	0
Nota	5	5.5	5.25	0
Nota	3.25	4.5	3.88	0.12

3. Calculaziun da la nota d'admissiun

La nota d'admissiun quinta sco nota dal rom d'examen. Ella correspunda a la media arrundada sin duas cifras suentar il punct, ord las suandantas set notas da l'attestat da l'emprim semester da la 2. classa da la scola secundara (cf. art. 17 Ordinaziun d'admissiun a las scolas medias): geografia (geo), istorgia (ist), natira e tecnica (NT), art figurativ (AF), chant e musica (MU), moviment e sport (MS) e segunda lingua (2Ling).

	geo	ist	NT	AF	MU	MS	2Ling	Nota d'admissiun [NAdm]
Basa per la nota	Nota d'attestat (1. semester)	Nota d'attestat (1. semester)	Nota d'attestat (1. semester)	Nota d'attestat (1. semester)	Nota d'attestat (1. semester)	Nota d'attestat (1. semester)	Nota d'attestat (1. semester)	Calculaziun: $NAdm = (geo + ist + NT + AF + MU + MS + 2Ling) / 7$
Arrundament	Mesa nota	Mesa nota	Mesa nota	Mesa nota	Mesa nota	Mesa nota	Mesa nota	Arrundada sin duas cifras suentar il punct

Exempels

	geo	ist	NT	AF	MU	MS	2Ling	Nota d'admissiun [NAdm]	Puncts minus
Nota	3.5	5.5	5	4.5	5.5	4	4.5	4.64	0
	5.5	5	5.5	6	4	5.5	5	5.21	0
	3	3	4	5	3.5	4	3.5	3.71	0.29

4. Calculaziun da la nota finala

La nota finala ch'è relevanta per l'admissiun en la 3. classa dal gimnasi sco er en la 1. classa da la SMC, SMI u SMS d'ina scola media grischuna, correspunda a la media arrundada sin duas cifras suentar il punct, ord la nota dal rom d'examen linguas, ord la nota dal rom d'examen matematica e, sche avant maun, ord la nota d'admissiun (art. 15 al.1 cifra 2, art. 19a ed art. 21 Ordinaziun d'admissiun a las scolas medias).

	Notas dals roms d'examen linguas [REL] e matematica [REM]	Nota d'admissiun [NAdm]	Nota finala [NFin]
Basa per la nota	Calculaziun (tenor l'art. 19a Ordinaziun d'admissiun a las scolas medias, guardar cifras 1 e 2 qua survart)	Calculaziun (tenor l'art. 17 Ordinaziun d'admissiun a las scolas medias, guardar cifra 3 qua survart)	Calculaziun: $NFin = (REL + REM + NAdm) / 3$

Exempels

	REL	REM	NAdm	NFin	Puncts minus	Examen reussi?*
Nota	4.88	4.38	4.64	4.63	0	AG
	4.38	5.25	5.21	4.95	0	AG
	3.72	4.24	4.59	4.18	0.28	AM
	3.16	4.75	5	4.30	0.84	NA
	3	3.52	4.58	3.7	1.48	NA
	3.5	3	4	3.5	1.5	NA

*Legenda: AG = reussi l'admissiun en il gimnasi ed en la SMC/SMI/SMS / AM = reussi l'admissiun en la SMC/SMI/SMS / NA = betg reussi l'admissiun en il gimnasi ed en la SMC/SMI/SMS

L'examen d'admissiun en la 3. classa dal gimnasi è reussì, sche la media da l'examen cuntanscha la valur 4.5 e sche las divergenzas envers las notas dals roms d'examen n'importan – da la nota 4 vers engiu – betg dapli che 0.75 puncts (art. 22 al. 1 cifra 2 Ordinaziun d'admissiun a las scolas medias).

L'examen d'admissiun en la 1. classa da la SMC, SMI ed SMS è reussì, sche la media da l'examen cuntanscha la valur 4 e sche las divergenzas envers las notas dals roms d'examen n'importan – da la nota 4 vers engiu – betg dapli che 0.75 puncts (art. 22 al. 1 cifra 3 Ordinaziun d'admissiun a las scolas medias).